

新甯縣志卷之三

風俗志 鄉飲附

風俗之書與政刑共勒周官小行人適四方集之
凡居陸居水皆所究心非徒採自輜軒陳白太史
已也顧民俗之敦龐本土風之醇謹而欲樹之風
聲必先納諸軌物善乎羅仲素之言曰有教化然
後有士行有士行然後有風俗洵至論也邑舊稱
經俗自明季遭殘土著僅十之一二其五民之萃
處者習尚半從其籍要其耕讀是務各安淳樸猶
見道一而風同所謂修其教不易其俗齊其政不
易其宜者夫非
大化之翔洽足上臻於隆古哉志風俗

新甯縣志

卷三

風俗

一

華陽國志巴蜀之人質直好義士風樸厚有先民
之流風

郡志民俗儉勤競尚氣節

見唐白居易志

民俗秀野任俠尚氣

見宋通川志

舊志土地肥美風俗淳樸不事賈販惟務農桑
士習 尚忠厚飭廉隅彬彬儒雅性情自遠浮華



抑抑威儀邊幅迥殊鄙陋素封之家終安布素貧
窶之士不厭清貧耕硯固足以謀生課花亦可以
爲業長吏之公庭雖讌招未嘗畢至闔邑之善舉
但議定不聞間言有先正之遺風爲迄今之訓俗
國初甫經兵燹家少藏書力學之士負笈遠遊訪名
宿於數百里外卒業方歸轉相教授故垂髫稚子
類能背誦五經近來購書頗富如注疏史鑑子集
各種尚可索之案頭其農工商賈家衣食稍足者
亦勉子就學隆重師儒共訂專館異博一衿以爲
榮而絃誦之聲遍於里閭矣

新甯縣志

卷三

風俗

二

士之立品自愛者匪惟不干外事不入公門卽親
戚密邇素饒於財亦恥仰息雖饗殮莫繼宴如也
間有肆力窮經參訂講義辨晰古人未發之蘊終
身樂道而安貧其操守有如此者

詩禮家子弟讀書固其本業或資性椎魯冠無
成卽留心耕耨料量家人生產自可謀業而安多
以習武爲戒故額取武學八名復益之以府學亦
按撥二三名而應試人不滿百亦大半皆楚籍士

著試材武者十無一二也

民風 家傳樸實習尚勤能急公賦易役使素號
淳良置津梁除道塗其樂施與燕會頗豐腴雖奢
不靡房廊務整潔但固無華健訟本無是風宣淫
殊少此習斯誠

累洽重熙之世亦見

化行俗美之徵

民間不尚積蓄秋成貯倉後計食若干石餘皆陸
續糶去次年將及收穫則舊穀顆粒不存名曰掃

新甯縣志

卷三

風俗

三

倉以待新貯所得穀價卽以市田富室亦然鮮有
蓋藏故歲歉收而米價易騰未必不由乎此也

安分良民最畏官法懼惹訟端或奸民以興訟恐
嚇往往叩頭泣下力求寢息若控案已成至有聞
票差而躲藏不面者其實奸民之伎倆止利些須
之資財非敢公然爲害比於訟棍一遇有司嚴明
昭示凱切懲其一二無不斂跡而退矣

鄉場定市易之期如一四七二五八三六九等日
與他縣同每至日中則醵錢羣飲或三五人爲一

座或六七人不等亦有輪作賓主者往往不醉無歸此陋習也蜀爲魚米地此風大抵皆然惟性嗜飲之人卽交易而退但從無婦女趕集者是亦醇俗之一端也

農事 邑境多平疇澤農居十分之七故以水爲要秋收後遇雨卽蓄之謂之關冬水阡陌注滿望若平湖其傍山麓與高阜處名曰塆田同時亦潴水然多未能足尚望澤於春雨偶值愆期則用桔槔引平疇之水層級而上有手車足車之分又或間用木桶要不若桔槔之收效衆也

初甯縣志

卷三

風俗

四

編竹爲畚貫以索兩人對挽而汲之名曰滷水亦耕耘收穫之候視開縣稍遲比他邑較蚤大抵田重潴水禾稼登場後遇雨卽施犁耙謂之犁板田故農家有七月犁田一盃油九月十月沒來頭之謠犁甫畢繼之以耙復築其塍而塗以新泥使水不浸溢至來歲將屆插秧時施犁耙如故俟其條達則薅至再聚工數十人鳴鑼鼓唱農歌間以頌揚

太平俚語一其聽正所以齊其力兼能止誼囂猶軍士銜枚之意山農耘土亦然

六穀內惟不種稷水田止種稻餘若梁菽麥皆山農所種歲歉時或種菽澤農於田塍種菽與梁僅足供其家食市易襍糧則取給於山農惟收稻最富一歲所入計口足供十年而究少蓋藏者鄰封若開縣萬縣皆仰給焉

女工 婦女惟事紡棉貧富皆優爲之亦有能組織者單寒之家以紡織謀生則男女併力軋軋機

新甯縣志

卷三

風俗

五

聲徹夜不輟嫻績者頗少養蠶亦間有之除炊爨外僅於園圃藝蔬操汲尚寥寥無論耘獲其富家女兒俱工刺繡自畫山水人物爲打子挈錦蹻金之類殊覺花樣一新

工役 土木金石之工俱備技雖不精而隨人指揮具見匠心若依樣壺蘆則過目皆可仿造其貧而拙者任筋力之勞旣資餬口而工價亦足供衣履故能免於饑寒然不立僱約

商賈 凡富商大賈雲集必於水陸通衢邑屬僻

壤不利舟車其列肆貿販者半係楚籍新民居積如綾錦絲絮磁器海物之屬皆致諸古飲與鄰封之開萬亦惟近郭普安場始能如是若鄉場交易自布帛菽粟外他物殊少

飲食 釀酒以高粱爲佳麥廂玉粒俗名包穀此白燒也又以糯稻和麴蘗爲醴入白燒酒浸之名曰窖酒味最濃或以醴酒並糟粕煎水取汁對入白燒中亦甘美且淡而醇多喜飲之間有造咂酒者黍麥稻粱皆可用白香山詩所謂悶取籐枝吸

新甯縣志

卷三

風俗

六

酒嘗益咏此也食惟稻米卽貧窘之家少有用襍糧度日者

雞豚之畜人家皆有肉食亦時不廢然其家之所畜非有故不輕殺每於十二月宰肥豚用鹽醃透燻以微火味不亞於南附春正佐椒觴必留餘以餉耕者故插秧時餉饁豐勤日至四五耘穫則止三餐其款客饌具紳士及富家間用海味亦軍興後始有此風究非狃以爲常歲於宴春外不輕舉也

園蔬漬鹽爲菹家累百罈各極精潔有藏至數十年者楚籍婦女更擅長以之佐茶酒饋親賓競稱雅俗共賞

衣服 民間惟用布帛老農家數世不曾見羅綺縠紋偶見之必詫以爲異卽細問其名目惟紳士之饒裕者服綢緞冬夏被裘葛皆不求美備祇取供應酬而已非與宴會不常服婦女首飾不過貼翠及縷銀絲作花從不聞用金珠蓋習尚使然也冠禮 禮冠義云古者聖王重冠故冠於阼以著

新甯縣志

卷三

風俗

七

代也醮於客位加彌尊也已冠而字之成人之道也今俗於三加禮不講惟婚期前一夕陳設酒殽親友畢賀謂之伴郎贈以字鐫諸木匾多用硃地金飾以鼓樂送至其家於冠禮猶有存者然皆楚籍人尙相沿襲土著舊家竟鮮行之亦過從簡畧也

婚禮 六禮不廢惟習尚從簡兩姓將合好先請媒妁至女家求婚旣許諾然後諏吉備香燭具名帖倩媒妁夫婦同詣女家代告廟並拜謁其父母

近來亦用紅箋書壻之庚甲於左虛右以請女庚與名帖並投尤爲慎始女家於是日聚三黨親陪媒妁報以名帖卽當允書並書女之庚甲於箋俗謂之插香定盟嗣後兩家邀請父母過門交贈衣飾此亦問名納采禮也迨其及年壻家請媒至女家始用鸞牋求庚合兩造俱利爲吉日書小啓用四六語並名帖復倩媒送至女家謂之報期此亦納吉請期禮也至期壻家備衣飾香燭用綵轎旗傘鼓樂往迎具請女家長幼紅柬以親族中子弟

新甯縣志

卷三

風俗

八

文秀者賞之此亦納徵禮也二姓各有男女三四人各命輿馬相隨壻家曰接親女家曰送親其贈嫁粧奩與綵輿同行亦有與壻備衣冠者入門行廟見合卺禮諸親畢至以次拜見皆具禮爲賀無鬧房惡習三日夫婦回門道遠者另擇吉至親迎一節惟詩禮家猶有行者然此皆土著之儀文若楚籍則壻家煩費特甚類如納采納徵牲酒斷不可缺所需衣飾及應送嫁者媒妁預詢之皆詳列於單謂之關禮從宜從俗相襲已久貧者不能具

禮每有七八歲卽接過壻家待及笄而後結褵者此著楚所同兩家皆可節損也

喪禮 稱家有無棺惟用柏木衣衾用綢不用緞或土布不等製棺以黃蠟松香清油同煎傾入棺底令周到俄頃便乾鋪石灰厚寸餘延生員中心地誠靜者爲主禮著藍服以指頭畫石灰分列乾坤二卦於上坎離二卦於中下爲震卦覆以紙卽奉死者入棺掩殮主禮生脫藍服與頂帽並周易一部放棺蓋上約對死者胸間用白布長丈許纏

之使不移動謂之寄喪復多用黃紙硃書六十四卦名日燒三次每次主禮生常服冠帶率讀書子弟數人喪主一人手執炷香繞棺周行俱默誦卦名及乾卦自乾元亨利貞起至利見大人句止或誦大學聖經旣畢主禮生端坐靜室不飲酒不妄思喪主倍加虔誠故雖酷暑停柩在堂可保無虞亦至誠感格之道其初絕氣時請水沐浴易衣焚路引以及入棺成服俱用告文殮後設方相神位於正宅門外備牲醴祝文日三祭其靈前朝夕上

食如事生禮亦用告文將出柩辭家龕祀竈神門神與喪輿祖道橋梁諸神至塋祀土神及古墓無一不用告文故僧道竟置無用贊禮讀文以族親衿士爲之

展奠先定葬期謀之勘輿擇吉地得地然後擇日取死者生卒之年月日時與子孫所生之年月日時而合諸山向支干必允符乃定多以葬期前一日設奠致訃聞於姻戚復粘訃於市鎮通衢以告親友蓋其初得凶聞宗族親黨雖紛紛來弔僅具

新甯縣志

卷三

風俗

十

香楮拜哭卽去至此始送賻儀關姻誼者則用羊豕各一及輓帳聯額之類爲文以誄俗重裂帛俱給白布裹頭酬以酒食題主或請儒學官或鄉紳之有德望者卽於是日在家陳設對靈點之是夜謂之家奠宗族祭畢喪家子孫婦女齊出靈幃序次跪拜禮行三獻贊禮數人又以幼童二人歌詩詞如蓼莪等章祭畢舉哀入幃次日日出柩旗幟鼓吹導前以幼孫捧主坐肩輿中送至塋所仍以旗幟鼓吹迎主返室供於家龕此詩禮家所通行者

大半仿文公家禮而不無損益耳其或山向不吉
葬期在一年以外亦卽選日開奠發柩權厝於塋
旁隙地以磚瓦爲廬至期深葬葬後方用浮屠誦
佛經作道場謂之趨薦雖明理人皆不之信而習
俗未能驟革庶民家喪事則概用僧道與習青烏
之術者亦貧富皆然也

祭禮 大族有宗祠者置祭田春秋致祭以族長
主之其無宗祠者則於歲時伏臘生辰忌辰備楮
帛設酒醴或祀於家或祀於墓以伸孝思祭品量
力爲隆殺惟稱情盡禮而已

音樂 凡冠婚喪祭之事無不用樂然止鼓吹有
聲無辭其高下抑揚可任意爲節奏並無定譜無
足言者樂部則高腔秦腔皆宜但不恒作惟元宵
前後競尚燈戲男子著綵衣演唱時曲半屬兒女
家常瑣事間小說操土音爲曼聲俗耳尤樂聽之
曾見蜀中前輩詩話有竹枝詞云唱燈隨處是歌
樓曲子無腔易轉喉傳說官班明日擺開場先看
小包頭斯亦曲盡其狀矣此本俗樂卽以爲歌謠

可也

祈禳 俗重田神插秧甫畢以傀儡演劇爲青苗戲並誦虫蝗經至稻將成然建穀花醮就鄉村附近寺觀給錢米於繡流擇吉諷誦以三日爲度此皆祈穀於田祖也若仲春建清醮城市設壇於公廟鄉村建於附近寺觀將畢紮紙船兩人對舁之鳴金擊鼓逐遊人家驅除疫癘名曰掃盪亦方相氏儻禮之意其病人或服藥不效卽延巫覡至家張掛神像唱神歌具悔過遷善疏以禱於神竟有

新甯縣志

卷三

風俗

十一

經祈禳而病輒愈者

賽會 邑中賽會甚少卽諸神令誕亦多不演戲祇歛資市香楮具牲醴拜獻於神前僱庖人烹飪列坐歡飲醉飽而散此亦樸實之一驗也

歲時節序 元日雞鳴盥漱肅衣冠然九品燭祀家神竈神出大門外百餘步揖喜神謂之出天方並祀塋墓此數日內族隣拜賀彼此留飲謂之年酒門聯皆新易用硃箋大書俱歌頌太平之語上元前後紫龍獅燈並魚鰕之類龍之身首糊以

紗綾甚炫爛有爲鶯頸龍者長至十餘丈以數十人執之又有遊龍有舞鳳及擡燈作人物故事機械極精巧幼童執花燈數十盞各有名目暗寓頌揚吉語白日則以高擡隨行其法用木架預造鐵管插之架上裝束兒童作優戲狀縛於管不見痕跡宛如仙子凌空一擡可容三四人迎春亦用之此但指城市而言若鄉間龍獅燈必周遊人家首事者執牌燈上書風調雨順國泰民安及慶賀上元字樣龍獅至主人以紅綾掛其首爆竹聲震耳

鳴鈺鎗聒時許乃去亦云逐疫若至親則款留酒食

二月三日祀文昌帝君各郵塾亦宴飲節屆中和春花盛開親戚里鄰各以紅箋招飲名曰春宴饌具頗事豐美往還酬答至月餘乃罷

清明祀墓焚化紙錢祭以魚肉卽席地而餽其餘乃盛土崇封剗刈荆榛插楮標於墓上名曰掛掃若婦女踏青向無此習 上巳袞除俗今廢

四月八日爲浴佛節又謂之佛誕家各以紅紙交

斜作十字架書字貼諸壁間名爲嫁毛蟲又以是日爲牛王會村農皆報賽焉

五月五日爲天中節門懸蒲艾裹角黍市蕉扇親戚互相投報午間飲雄黃酒飯後沐浴以百草煎水猶古人之浴蘭湯又以綵色綢緞作猴兒與孩童佩繫謂佩之則痘麻輕 十一日爲城隍會祀

城隍神

十三日爲磨刀會祀 關聖帝君

六月六日曬衣服書籍作鎮江王會

新甯縣志

卷三

風俗

十四

二十三日爲馬王會椎牛享之二十四日爲火神雷祖會

按民間作會賽神尚不止此如玉皇東嶽觀音以及各會館與匠藝所奉神祠莫不有會不備載是月早稻成熟擇吉日嘗新祀先嗇司嗇之神及先代木主然後序長幼分食

七月七日子子作奎星會其夕女子祀織女穿針乞巧惟富貴家行之

十五日各寺作盂蘭盆會士庶家封楮錢書祖宗

先代姓名於上十一二日卽供於家堂朝夕具酒饌奉祀維謹至十四日晡後以香燭酒漿送於大門外焚包封其塋墓近者焚於墓前俗傳必先一日焚化以便祖宗赴盂蘭會言雖近誕而報本追遠人有同心謂非

熙朝仁孝之所感歎

八月中秋節日午以穀酒祀先代夜用菓餅酒饌爲賞月讌有深夜久坐望月華者又喜於是夜竊入園中瓜張鼓樂送至乏嗣之家曰送子

新甯縣志

卷三

風俗

十五

九月九日以糯米釀酒最佳近有於是日造三白酒者至登高讌集唱和文士偶一爲之

十月朔日詣塚送寒衣今俗久廢

冬至亦不宴節富家多於是日宰肥豚及鶩鴨之屬鮮鹽懸簷際風乾較火燠者良曰冬至肉

十二月二十三日夜間祀竈神用齋供僧家預送竈疏各自署名焚之次日爲過小年掃舍宇塵滓必置諸當路

除日貼春聯易門神門首張燈陳設穀酒祀家神

迎竈神又拜於墓焚香楮以酒酌地於是家人聚食曰團年終宵不寐曰守歲卑幼向尊長叩拜曰辭年爆竹鳴金鼓爲闌年以錢散給小兒爲壓歲錢

鄉飲酒禮附

每歲正月十五日十月初一日行鄉飲禮於明倫堂坐次以正官爲主位東南以致仕官爲大賓位西北擇年高有德者爲僎賓位東北以次長爲介賓位西南以賓之次者爲三賓位于賓主介僎之

新甯縣志

卷三

風俗

十六

後以教官爲司正主揚觶以老成生員贊禮前一日司正率執事習禮次日黎明宰牲具饌主人率僚屬司正先至遣人速客客至出迎於庠門外主居東賓居西三揖三讓而後升堂主賓相向行交拜禮畢序坐司正北面立主賓以下皆立揖執事者酌酒于觶以授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和里毋或廢墜以忝所生

司正以觶授執事揖賓僎以下皆報揖司正復位
主賓以下皆坐執事者供律令於案主賓以下皆
拱立讀者誥讀律誥所北面讀曰
夫誥曰鄉飲酒禮

朕本不敏不過申明古先哲王教令叙長幼論賢良辨
奸頑議罪人其間年高有德者居於上年高淳篤
者次之以次序齒而列其間曾有違條犯法之人
列于外不得干于善良之席嗚呼斯禮也古先哲
王之制亘古至今行之不悖所以使鄉里安隣里
新甯縣志

卷三

風俗

十七

和長幼序而已又何言哉今特申明之從者昌否
者亡讀畢復位執事者舉饌案至客前主人薦賓
獻脯醢設折俎賓酬主人如之訖工人鳴鼓鐘歌
詩三次畢飲酒供湯饌畢撤案主賓以下皆起交
拜以序出主送賓三揖三讓出庠門外而後退

詩章

附

初歌鹿鳴首章

次歌南山首章

三歌湛露首章

終歌天保首章

鄉飲酒禮圖

三僎

二僎

一僎

一賓

二賓

三賓

德學

東階

德

大德

正

多

律

少

明

西階

乾隆十六年知縣周金紳舉行鄉飲禮時無致仕歸田者故大賓難其人以

新甯縣志 卷三

風俗

十六

張子懽為介賓號敏菴邑文學見屏山張氏家譜

田賦志

考禹貢之篇則壤成賦讀公劉之什徹田爲糧先王取民有制參酌之道寓焉古稱蜀地肥饒沃野及於千里抑第就成都迤西而言非盡概諸山陵林麓間也此田惟下上厥賦下中三錯其釐定爲至審耳新邑百里膏腴阡陌之交通亦足與川西埒然際

寬大之朝惟正是供自履畝清丈後闢地盡利賦稅無加勞撫字不勞催科凡飲和食德之儔極含哺鼓

新甯縣志

卷三

田賦

腹之樂夫孰不踴躍輸將其納

太平之稅哉志田賦

前明田賦舊額無考

國朝康熙七年歸併梁山向無冊籍可查

雍正八年復設縣治奉文清查遵照部頒弓式

以二百四十步爲一畝分上中下計畝載糧按賦役全書開載如後

上田每畝載糧七合四勺六抄

中田每畝載糧六合五勺二抄八撮二圭

下田每畝載糧五合五勺九抄六撮一圭

上地每畝載糧二合三勺

中地每畝載糧二合一抄二撮三圭

下地每畝載糧一合七勺二抄四撮七圭

每糧一石徵糧銀九錢三釐二毫一絲四忽八微
九塵二纖

每糧一石徵條銀七錢七毫四絲四忽五微七塵
每糧一石六斗三升五勺一抄六撮載丁一丁
每丁徵銀七錢七毫四絲四忽四微七塵

新甯縣志

卷三

田賦

二

原載糧九百八十九石二斗六升一勺一抄九撮
四圭四粒

原載糧人丁六百六丁七分一釐六毫

原載丁條糧銀二千一十一兩八錢八分五釐九
毫一絲一忽九微五纖

雍正七年奉文丈量

恩准部覆丁條糧合併積算按畝徵銀清查田地至嘉
慶十九年止今自嘉慶二十年起至同治八年
徵輸止除藉田四畝九分不徵丁糧外墾輸

上中下田地共二千七百二十四頃五十六畝七分五釐六毫七絲四忽五微三塵八纖八沙

上田七百二十六頃四十四畝九分六釐五毫

每畝徵丁條糧銀一分五釐一毫七絲一忽六微一塵

應徵丁條糧銀一千一百二兩一錢四分一釐七

絲七忽四微四塵三纖六沙五渺

中田八百一十一頃二十二畝五分三釐四毫二

絲四忽四微一塵九纖

新甯縣志

卷三

田賦

三

每畝徵丁條糧銀一分三釐二毫七絲六忽五微

八塵二纖

應徵丁條糧銀一千七十七兩二分九釐九毫七

絲七忽九微四塵七沙九渺六漠五埃

下田七百二頃八十九畝五分三釐六毫九絲九

忽九微九塵六纖八沙

每畝徵丁條糧銀一分一釐三毫八絲九微四塵

五纖

應徵丁條糧銀七百九十九兩九錢六分一釐二

毫五絲四忽六微七塵二纖一沙八埃

上地一百六頃三十畝六分五釐一毫七絲九忽
二塵二纖

每畝徵丁條糧銀四釐六毫七絲七忽五微七塵
四纖

應徵丁條糧銀四十九兩七錢二分五釐六毫六
絲四微一塵六纖九沙八渺六漠五埃

中地一百九十七頃九十六畝四分六釐四毫三
塵五纖

新甯縣志

卷三

田賦

四

每畝徵丁條糧銀四釐一毫

應徵丁條糧銀八十一兩一分六釐四毫

下地一百七十九頃七十二畝六分五釐

每畝徵丁條糧銀三釐五毫七忽五微七塵

應徵丁條糧銀六十三兩四分一毫六絲九忽一
微四纖九沙六渺九漠六埃

通共現徵丁條糧銀三千一百七十一兩九錢一
分四釐六毫九絲四忽四微二纖四沙七渺九

漠七埃

遇閏加徵每兩該徵銀四分二釐四絲二忽二微
二塵九纖八沙四漠三埃每歲申解

藩庫收貯現在田地並無報墾

額外縣治內有民顧興隆等六戶載糧三石一升
四合六勺應徵地丁銀七兩二錢八分二毫六
絲歸梁山縣申解由本縣徵收

梁山縣治內有民余萬可一戶載糧五斗四升五
合七勺應徵地丁銀一兩三錢一分七釐九毫
歸本縣申解由梁山縣徵收

新甯縣志

卷三

田賦

五

一咸豐二年奉文奏准派捐津貼銀以濟軍餉每
條糧銀一兩捐銀一兩隨糧徵收本縣每年共
捐收銀三千一百七十二兩九錢一分四釐七
毫除扣經費銀六十三兩四錢五分八釐零實
解銀三千一百九兩四錢五分六釐運赴
藩庫上納聽候支撥一俟軍務平定卽行停
止

雜稅

一本縣請領牙帖二張每張徵課銀一兩共徵課

銀二兩申解廣濟庫

田房稅契原徵銀七十三兩九錢九分八釐於嘉慶十六年奏明加增盈餘銀二百五十一兩六錢六分四釐嗣後逐年微有所增俱起運布政司庫收貯存留

一咸豐十年冬季奉文派徵洋藥釐銀以助京餉本縣每年派徵銀六百兩外加平部書飯食銀十八兩同治二年復奉 府憲札飭每年攤捐城口聽洋藥釐銀四十一兩六錢六分七釐五

新甯縣志

卷三

田賦

六

毫外加平部書飯食銀一兩二錢五分二毫五絲俱批解鹽茶道庫上納轉解

歲支

一本縣春秋二祭

文廟及山川社稷各壇祠祭祀銀十六兩又續增

武廟春秋祭祀銀十六兩內酌撥二兩祭厲壇俱在地丁銀內扣留支給

嘉慶七年新增

文昌宮春秋祭祀銀一十四兩又續增祭祀銀二十兩

俱赴布政司請領支給

一本縣廩生十五名每名歲支餼糧銀三兩二錢
共銀四十八兩遇閏每名加銀二錢六分六釐
六毫六絲六忽六微六塵四纖

一本縣知縣一員歲額俸銀四十五兩額設衙役
三十一名內門子二名皂隸一十四名馬快八
名轎傘扇夫七名每名歲支工食銀六兩共銀
一百八十六兩原設皂隸十六名裁去二名改
設件作一名歲支工食銀六兩隨學件作二名

新甯縣志

卷二

田賦

七

每名歲支工食銀三兩共銀十二兩額設民壯
十名每名歲支工食銀八兩共銀八十兩添設
禁卒八名更夫五名每名歲支工食銀六兩共
銀七十八兩額設捕役二名斗級一名倉夫二
名每名歲支工食銀六兩共銀三十兩又設立
縣屬舖司二十名每名月給工食銀五錢共銀
一百二十兩遇閏照數加增

一本縣典史一員歲額俸銀三十一兩五錢二分
額設衙役六名內門子一名皂隸四名馬夫一

名每名歲支工食銀三兩共銀三十六兩

一本縣訓導一員歲額俸銀四十兩額設衙役四名內門斗二名膳夫二名每名歲支工食銀六兩共銀二十四兩

一孤貧口糧歲無定額現支銀八十一兩六錢五分遇閏加增

以上應支各款嘉慶四年欽奉

諭旨俱准於本縣地丁銀內扣留支給年終造冊奏銷

嗣奉 藩憲札飭各官俸薪應赴司請領申解

新甯縣志

卷三

田賦

八

地丁銀兩止准留支原編祭祀廩糧舖司倉夫

斗級學廳役食共銀二百七十八兩其餘禁更

捕件民壯役食孤貧口糧等項共銀四百四十

九兩六錢五分不准扣留俱令提解另文請領

支給

每年除扣留提解外實解正項地丁銀二千四百

四十五兩二錢六分四釐七毫火耗銀四百七

十五兩九錢三分七釐二毫遇閏照例加增

戶口志

周禮萬民之數大司徒掌之司民登之自生齒以上皆書於版歲獻於王登諸天府凡以重邦本也矧民數爲庶事所從出國以建典家以立度修五禮而措九刑徐幹中論之詳矣新邑經明季兵燹戶口幾同星居我

朝休養生息二百餘年蕃衍稱極盛焉雖屢經變亂不少流離而凱歌一奏瘡痍旋復計帳編氓實漢唐未有視彼張袂成陰揮汗成雨臨淄三萬戶不

新甯縣志

卷三

戶口

足誇美於前也志戶口

明舊志戶一千一十有八

口一萬九百六十有二

男丁七千四百有八

婦口三千五百五十有四

明萬歷元年册一萬九百八十有二

男七千二百二十有一成丁二千七百六十有二

婦女三千七百六十有二

國朝雍正八年復設縣治清查戶口

戶三千二十有六

俱載糧

口二萬八千一百

土著流寓男婦俱在內

雍正十一年知縣竇容邃清查牌甲土著流寓

共戶九千九百六十有五內載糧戶三千三百四

十有九

男婦大小共計口五萬四千六百八十有四

乾隆十八年知縣周金紳清查牌甲

戶三千九百二十有七

俱載糧

口一萬九千一百四十有九

俱承糧男婦流寓不在內

戶口

新甯縣志

卷三

二

嘉慶十六年清查實在戶二萬四千八百八十有

一

男丁四萬八千九百二十有四

婦口三萬七千七百六十有八

統共男婦八萬六千六百九十二丁口

道光十三年清查實在戶二萬五千二百八十有

二

男丁五萬二千八百一十有九

婦口四萬三千三百三十有四

統共男婦九萬六千一百五十三丁口

同治八年清查現在戶三萬八千七百六十有九
男丁十萬零五千六百八十有三

婦口六萬二千七百零二

統共男婦十六萬八千三百八十五丁口

按新邑戶口舊時已將十萬今復加增過半生
齒日見其繁土田仍如其舊人滿可虞益勞撫
字上和親康樂安平之書聯比閭族黨州鄉之
俗俾人有常業戶鮮播遷是在有司保茲繁庶

也

鹽法志

鹽之爲利由來尚矣資天地之產惠天地之民故煮海可成者亦引池可化自管仲謹鹽萊而國以富強劉晏官鹽鐵而用益饒足鹽屯鹽籌之制皆佐賦安邊之需取用甚宏是以代有權法也蜀曰形鹽掘井以出方之煮海引池固勞逸遠甚且新邑非產鹽之區銷引採配遠在雲安以陸路轉運之艱而民無食淡之苦謂非裕

國通商洵能兩全無弊乎書曰懋遷有無化居此物

新甯縣志

卷三

鹽法

此志也志鹽法

雍正八年欽奉

上諭計口授鹽認銷雲陽縣水引三十五張陸引八百八十八張

雍正十一年請增水引四十一張陸引一百五十一張

乾隆元年請增水引十張陸引一百張

乾隆四年請增水引三十張陸引四百張

乾隆二十年請增水引二十四張陸引三百張

乾隆二十四年請增水引四十八張陸引六百張
乾隆二十五年請增水引三十六張陸引三百張
乾隆二十六年請增水引六十四張陸引五百張
通共認銷水引二百八十八張陸引三千二百三
十八張

每水引一張徵正稅銀三兩四錢五釐徵羨截硃
力銀六錢七釐

每陸引一張徵正稅銀二錢七分二釐四毫徵羨
截硃力銀五分五釐

新甯縣志

卷三

鹽法

二

總共徵正稅銀一千八百六十二兩六錢七分

釐三毫徵羨截硃力銀三百五十二兩九錢六
釐起解鹽茶道庫收貯聽候支撥

茶法

權茶始於唐至宋以爲籌國備邊之要法誠美焉
蜀之茶見於王褒僮約陽武買茶之語華陽國志
亦云什方縣山出好茶蜀茶之珍於世固已久矣
前明陝以西川以南置茶馬司各一猶周唐時回
紇入貢以馬易茶故事今則幅員萬里邊疆腹地
茶引一例通行迥非勝國所可同語新甯雖不產
茶第額引有頒課稅無缺上以裕
國下以通商亦因民之利為利也志茶法

新甯縣志

卷三

茶法

查縣境內並不產茶向亦無額銷引課民間飲用
茶茗向係通江縣居民零星背負或三五斤或
十餘斤不等到境易米兩有所資雍正十二年
三月內奉文爲詳明憲示事案內認銷太平縣
腹引四十張歸太平縣商人領引運茶於新甯
地方行銷發賣卽於新甯縣查驗截角其引稅
銀兩仍由太平縣完解嗣查驗截角之例復停
亦不知何時變更無案可稽近來銷茶更多其
名有太平通江城口之分或由該處居民販運

來縣或自境內前往負販俱係聽民自便不言
利而利甚普也現在境內亦間有種植茶樹者
氣腥味澀不甚適口其異地弗能爲良歟見舊
志

咸豐元年奉文額行茶腹引五十張每引一張徵
課銀一錢二分五釐稅銀二錢五分羨銀九分
八釐截銀一錢二分

總共徵課稅銀十八兩七錢五分徵羨截銀十兩
九錢外隨引照票五張每張徵息銀一兩八分

新甯縣志

卷三

茶法

二

共徵銀五兩四錢俱起運鹽茶道庫收納

倉儲志

歷代倉儲之法權輿於魏相李悝穀賤則增糴穀貴則減糴無甚貴甚賤之傷而農民均蒙其利漢耿壽昌之設常平師此意也然猶藏之州縣恩半及乎市井惰游至隋長孫平建議當社共立義倉唐武德中遂有社倉之建宋朱文公亦奏置社倉襲其名而略變其法夏貸冬收人甚便之迄元明皆遵行焉我

國家

新甯縣志

卷三

倉儲

列聖相承軫念民依足民之道至周且備凡前代歷設倉儲莫不畢建有備無患雖凶歲不能爲災云志倉儲

常平倉貯穀五千二百石係雍正九年十一月奉旨採買

常平倉廩十三間雍正十年知縣沈繩祖建修在縣署左

乾隆八年爲量捐以裕倉儲事知縣蘄光祚趙忻典史丁文明先後捐輸穀四十五石奉文歸入

常平倉

乾隆十年知縣靳光祚奉文平糶常平倉穀秋收買補所餘銀兩採買穀五十石置倉三間在甘棠舖收貯社穀

乾隆四十四年歲荒署縣魏之琳詳請平糶常平倉穀四千石秋收採買還倉餘銀四百兩申解藩庫

嘉慶元年師征逆匪知縣趙華奉文將常平倉穀全數碾運以資軍糧

新甯縣志 卷三

倉儲

二

嘉慶十年知縣于苾奉文承領藩庫銀兩採買填倉實貯原額倉斗穀五千二百石

道光七年奉文籌措兵餉知縣吳協糶賣常平倉穀一千四百石獲銀九百二十六兩五錢申解

藩庫

咸豐三年七年知縣康鴻訓黃文窩先後奉文糶賣常平倉穀二千八百八十石易銀申解藩

庫

咸豐十年知縣黃文窩奉文買填倉斗穀一千九

百二十四石四斗八升

同治元年署縣國澍任內滇匪竄擾縣城失守被賊耗毀常平倉斗穀一千四百二十八石四斗八升稟報有案

現在常平倉內實貯倉斗穀一千四百一十六石

社倉自乾隆十年起至六十年止計四鄉倉斗社穀七千二百七十二石嘉慶元年奉文全數動碾以供兵餉至嘉慶十四年知縣于苾赴司領

新甯縣志

卷三

倉儲

二

銀採買如數還倉分貯四鄉以備凶荒

道光十三年奉 藩司札詳查社倉據實開列

甘棠舖社倉四間貯穀一千六百五十四石四斗

漿池埧社倉二間貯穀四百五十三石二斗

沙壩社倉一間貯穀一百七十六石

長嶺崗社倉二間貯穀四百九十石

八廟礮社倉二間貯穀五百二十七石七斗六升

廣福場社倉二間貯穀四百五十三石二斗

三清廟社倉一間貯穀一百一十八石八斗

高礮社倉一間貯穀一百二十九石

沙河舖社倉一間貯穀一百三十二石

蔡家岩社倉一間貯穀八十八石

汪家塘社倉一間貯穀一百三十二石

馬頭岩社倉一間貯穀一百三十二石

任市舖社倉一間貯穀二百一十石

玉皇閣社倉一間貯穀二百五十石

落山墘社倉一間貯穀二百三十五石六斗

李家岩社倉一間貯穀二百九十九石二斗

新甯縣志

卷三

倉儲

四

斗門寺社倉一間貯穀二百二十四石

趕場嶺社倉一間貯穀四百三十一石二斗

太山寺社倉二間貯穀三百六十四石

野鴨池社倉一間貯穀一百九十八石

真武宮社倉一間貯穀一百七十六石

觀音寺社倉二間貯穀四百一十二石四斗

梅家埧社倉一間貯穀一百三十六石四斗

長冲溝社倉一間貯穀七十九石二斗

石土地社倉一間貯穀二百二十石

雲霧洞社倉一間貯穀九十七石二斗
四鄉社倉計三十五間通計貯倉斗穀七千八百
一十九石五斗六升立正副社長五十二名經
管

又自道光十五年起至咸豐六年止陸續增添倉
斗穀六百三十二石前後共計貯倉斗穀八千
四百五十一石五斗六升咸豐七年因城倉空
虛按十抽一移儲城倉倉斗穀八百四十五石
一斗五升六合同治元年正月縣城失守此項

新甯縣志

卷三

倉儲

五

穀石全數被賊耗毀其存四鄉社穀七千六百
零六石四斗零四合既因賊擾耗缺又以社首
不得其人私自虧挪借貸致多無著同治六年
經署縣李忠清設法清查彌補足數取有各社
首切結附卷除冊報原額外尙盈餘倉斗穀三
百七十六石二斗零以爲日後彌補常平倉穀
之用具稟 藩憲本府立案

義倉五間在縣署左原貯穀一千石嘉慶二十四
年合邑士民捐輸置買城北袁家埧田九十八

畝一分五釐八毫每年收倉斗租穀三百石自嘉慶二十五年爲始租穀俱收倉存貯

道光七年知縣吳協奉 藩司文義倉貯穀以三千石爲定額其浮數餘穀按年糶銀申解 藩庫聽候撥用其至道光二十七年止歷收租穀均已糶銀申解

又自道光二十八年起至咸豐十一年止復糶賣倉斗穀九千六百石易銀申解僅存倉斗穀一千八百石同治元年正月縣城失守被賊耗毀

新甯縣志

卷三

倉儲

六

義倉倉斗穀一千六百一十六石經署縣范象乾具結申報尙餘倉斗穀一百八十四石賊毀之穀現奉 藩憲札飭設法彌補已據紳糧稟認按糧分年捐填轉稟在案

按舊志載有監倉三十間貯穀一萬二千一十六石六斗六升六合於乾隆年間征勦金川時奉文糶賣倉亦變價獲銀如數解貯 藩庫無存

蜀政志

施舍已責之文見於春秋此蠲貸之始也漢唐以來遂著為令或除天下租賦或免天下租庸或蠲戶部逋負史不絕書而特免四川夏稅至宋乾德始見元明於蜀中賦歛不急無名者時有蠲減我聖朝厚澤深仁遍及海宇薄歛如川省猶疊荷

殊恩既除其半復賜以全行慶施惠有加無已邑以偏陋沃壤賦無積逋恭膺

寬大之典同沐

新甯縣志

卷三

蜀政

一

汪濊之恩飲和食德含甘吮滋熙皞之世不是過焉志蠲政

康熙二十五年奉

上諭四川地方昔年為賊竊踞民遭苦累今雖獲有甯宇更宜培養以厚民生所有二十六年應徵地丁各項錢糧着全行蠲免二十五年未完錢糧亦着悉與豁除同時湖廣福建貴州奉

詔同 三十二年奉

上諭四川地屬邊省土壤磽瘠民生艱苦與腹內舟車輻

輟得以廣資生計者不同非再沛優恤之恩則閭閻無由充裕所有二十三年應徵地丁銀全行蠲免同時廣西雲南貴州奉

詔同 四十二年恭奉

恩詔四川屬極邊之地未經巡視數年以來又未曾蠲免錢糧宜更施恩澤所有四十三年應徵地丁各項錢糧通行蠲免廣西雲南貴州皆同

四十九年恭奉

恩詔明年爲康熙五十年思沛大恩以及吾民自明年始

新甯縣志

卷三

蠲政

二

於三年以內通免一周俾遠近均沾德澤所有五十年應徵地丁銀全數蠲免歷年舊欠免徵他省惟錢漕不在此例餘俱同

雍正七年奉

上諭數年以來有用兵西藏及勦撫苗蠻等事糧餉轉輸有資民力今藏地苗疆俱已甯謐四川額徵八年地丁銀全行蠲免甘肅雲南貴州廣西奉

詔同 乾隆十年奉

上諭左藏常有餘積欲海宇均沾大澤部議分三年辦理

所有四川雲南貴州等省應徵十一年地丁錢糧通行蠲免餘省次第施行

十三年奉

上諭川省軍興以來一切夫馬支應未免有資民力着將本年地丁錢糧緩徵其己巳年丁糧再行緩徵十四年奉

上諭前因川省軍需一切供億輸輓有資民力今分別全省州縣列爲一二三四等加恩蠲免新甯係免十分之三

新甯縣志

卷三

蠲政

三

三十五年恭逢

皇太后八旬萬壽蠲免各直省應徵錢糧新甯地丁正款於三十六年全行蠲免

三十七年因進勦小金川糧運轉輸小民頗急公出力先行緩徵旋蠲免十分之三新甯列入此等三十八年又以蠲贖十分之三者全行蠲免三十九年再免十分之三四十年如之俱疊奉

恩旨

四十二年恭逢

皇太后仙馭升遐推廣

慈仁蠲免各直省額徵丁糧自戊戌年爲始分年輪蠲四
川省於四十三年額徵銀兩全行蠲免
五十五年恭逢

純皇帝八旬大慶廣宣湛闔敷錫兆民部議請按各直省
徵額將所屬各州縣搭配作三年輪辦四川達州
屬於壬子年全行蠲免

六十年奉

上諭今朕紀年慶符周甲丙辰元旦舉行歸政典禮大廷
授受篤祐延釐實爲曠古吉祥盛事允宜廣沛恩

新甯縣志

卷三

蠲政

四

綸着將嘉慶元年各直省應徵地丁錢糧通行蠲
免部議請照五十五年例搭配輪辦四川達州屬
於丁巳年全免又奉

恩詔川省向無積欠以歸政次年正賦再免十分之二
嘉慶元年十二月奉

上諭現因四川達州並所屬之太平東鄉新甯地方教匪
滋事各該處名募鄉勇堵禦並運送軍糧耕作不
無失時殊堪軫念現在已屆歲暮本年錢糧自巳
全完所有明年應徵該州縣地丁錢糧着普行豁

免

三年三月奉

上諭自教匪滋事以來節經降旨將夔達二州所屬二年三年應徵錢糧概行蠲免但賊匪蔓延滋擾川東川北俱被蹂躪着加恩將長壽及廣元等十三州縣併達州屬東鄉太平新甯等處應徵本年地丁錢糧一體寬免

四年四月奉

上諭川東川北地方被難民人殊堪憫惻前曾降旨飭查新甯縣志

卷三

蠲政

五

將本年應徵錢糧分別蠲緩茲據勒保查明奏到所有被賊蹂躪川東道所屬奉節以及定遠十九廳州縣達州並屬縣在內川北道所屬閬中以及岳池十七州縣應徵本年地丁錢糧着加恩全行豁免又達州東鄉太平新甯與江北長壽二十州縣均有帶徵二年輪免錢糧案內火耗亦着加恩蠲免十分之三

六年二月奉

上諭川省保達各屬上年被賊較重地方耕種失時且各

屬修築碉寨茶團練堵禦俱屬認真所有達州東鄉
太平新甯及平武等三十六廳州縣應徵本年地
丁火耗銀米着全行蠲免
七年二月奉

上諭川省地方連年教匪滋擾現在零匪尚未淨盡若將
應徵錢糧一律徵收民力不無拮据着將達州新
甯及閬中等十二廳州縣本年地丁正耗錢糧蠲
免十分之三餘或免十分之五或緩其帶徵不等
八年二月奉

新甯縣志

卷三

蠲政

六

上諭川東川北州縣連年被賊甫經平定着將達縣東鄉
新甯與雲陽昭化等十六廳州縣應徵本年地丁
錢糧着緩至秋後帶徵其遞年積壓未完民欠地
丁正耗銀兩全行豁免餘或蠲免本年錢糧十分
之五十分之三不等

二十四年恭逢

睿皇帝六旬大慶普免天下積欠因川省錢糧歷係年清
年欸並無積欠可蠲照乾隆六十年成例寬免次
年正賦十分之二

物產志

易曰百穀草木麗於土書曰惟土物愛厥心臧則夫天之所生地之所長取不盡而用不竭者物曲之利實託命之原也惟是五方異置舊有堯四種幽三種豫并五種之別遷地弗良正不必強而同之矣邑素稱沃饒種植蕃茂匪但五穀之登歲致豐稔其他山林竹木疏果花卉之屬莫不敷華就實既阜既昌益貴五穀而賤金玉要惟使同貫利焉所以厚民生立國本也豈必如夏書所載璆鐵銀鏤砮磬熊羆狐狸織皮始足誇珍麗而昭方物之盛哉志物產

穀之屬

稻 按食以稻為主有粳糯兩種粳宜造飯糯宜釀酒俗呼粳為粘其實粘即糯也粳乃不粘者因習尚既久仍俗名列之

紅邊粘

大白粘

雲南粘

西南粘

桂陽粘

青桐粘

一名棒棒粘

油粘

百日早

百日成熟嘗新用之古有紅蓮早稻陸魯望云近炊

早稻識紅蓮卽此種也蓋其熟在六月是時蓮花正放因之得名耳

香穀卽香秬王象晉穀譜謂之香秬一名香子芒赤粒小以勺許入他米數升炊之芬芳香美稻之上品惟收較少故不多種

稅穀卽秬之晚收者晚秬甚類糯性柔而不黏老人食之最宜與香秬齊品

紅殼糯稻品名麻殼糯稻品名矮子糯稻品名秋糯風糯

團子糯稻品名為寸糯俗名三顆寸言其修長三顆便是一寸粒長而色白

秬之最佳者稻品謂之金釵糯又似羊脂糯

五百粒結實最盛一穗五百亦秬之佳種也

麥按麥有大小兩種大謂之麩小謂之秣

新甯縣志 卷三

物產

二

大麥有芒殼可芽亦可羹脫其殼為飯與稻相

埒亦可釀酒冬種夏收邑山農藝之

小麥秋種冬長春秀夏實備四時之氣性微寒

為麵用最廣但作花以夜與北方異

蕎麥葉青花白莖赤子黑根黃亦具五方之色

有甜苦兩種春種夏收秋種冬收歲可兩獲山

農用以佐食宜為餅餌

粟一穗小毛短粒細卽梁之細而圓者俗名小米

有黃白兩種皆似芽可飯亦可作酒

黍 禮記曰薊合卽今之小米也黍可以為酒猶
稻之有粳糯耳黍蓋小米之糯者

梁 曲禮曰薊萁本草云粟卽梁惟穗大毛長粒
粗耳今俗名高粱莖高丈許狀似蘆荻實如椒
核造酒良

稷 曲禮曰明粢楚人謂之稷關中謂之糜苗穗
似蘆而米可食其米為黃米當卽今俗所名包
穀者人多用以造酒味不逮高粱

菽 按菽為眾豆之總名色殊種別其類不一

新甯縣志

卷三

物產

三

黃豆

有早遲之分

黑豆

亦可入藥

青皮荳

味甘香可佐盤殮

泥醬豆

以其蔓生也

花豆

色作班

以上數種籐本毛莢俱可為腐

胡豆

爾雅謂之荏菹卽大豆一名蠶豆以其莢如老蠶且熟當蠶月故名

豌豆

有白豌豆麻豌豆二種其用甚微初熟甘香可佐食乾僅作粉

野豌豆

一名翹搖粒細不堪用苗嫩時可茹俗名菜豌豆

刀豆

可醬食性能殺虫

綠豆

一名值荳可為粉亦可芽性能解毒

菹豆

一名沿籬俗名蛾眉

飯豆

卽白豆鄉人多襍米食之又一種名紅豆用同

四季豆

莢青豆紅可作蔬用

豇豆

一名降雙豆方書云每日空心煮豇豆入少鹽食之補腎俗但作蔬用

脂麻

一名巨勝一名方莖其葉名青襄張騫使西域得其種歸植中國故名胡麻石勒時避諱改名脂麻有黑白二種李時珍曰取油白者良服食黑者良

蔬之屬

白菜即菘所謂秋末晚菘是也

一名水晶菜莖短而脆者名黃

秧白葉長而苦者名箭竿白經霜則苦味去常食亦可漬鹽為菹

青

菜即芥菜農書云氣味辛烈菜中之介然者

一名青芥一名紫芥一名白芥俗以純紫者為紅青菜青紫相間者為花青菜又一種名包包菜漬鹽為菹甚脆

大頭菜亦芥屬莖長根短但可作為鹽菜

新甯縣志

卷三

物產

四

蒿苳菜產高國使者來隋人求得菜種酬之甚厚

故名一名千金菜俗名蒿嘛菜以其味苦也

菠菜即菠薐本自西域中來韋絢曰原出頗稜

國而語訛為菠薐也一名波斯菜一名赤根菜

又苧菜

性柔滑莖葉皆有毛可煮食襍米作粥亦得

甜菜

一名牛皮菜本草云醜醜菜似牛皮

同蒿菜

以形氣同蓬蒿故名

馬齒莧

一名醬瓣草皆野生

芹菜爾雅謂之楚葵今水芹也

一名水英邑產皆旱芹生平地

苧菜易苧陸夬夬宋衷注苧柔脆之物種多紫

色亦有淡青色者俗呼白莧菜

甕菜其種來自東夷古倫國以甕盛之譯不通
但言甕菜俗名無心菜

高筍即蔣菰又名茭白葉如蒲葦中心生白臺
如小兒臂初出時煮食甜軟亦可生噉

蒿筍江東人謂之芭筍蔬譜云蒿芭四月抽臺
高三四尺剥皮生食味清脆生食醬鹽醋皆宜
烹之亦佳

鹽菱香菱也張騫使西域得其種根軟而白多
鬚綏綏然故謂之菱本名胡菱一名蘆菱今俗呼為鹽菱

新甯縣志 卷三

物產

五

地米菜即薺也本草云薺生濟濟故謂之薺其味
甘作羹最佳俗亦呼為濟濟菜

蘿葡即蘆菔一名萊菔有紅白二種白者良子可入藥

茄子一名落蘇青紫白殊種隋煬帝改名為崑
崙紫瓜方家謂之草蟹甲農書云茄視他菜最耐久供膳之餘糟鹽鼓醋無所不宜

地辣子北人謂之青椒一名海椒色分青紅
油菜即藝臺嫩苗可茹子可榨油

芋子一名土芝一名蹲鴟有水旱二種蔣水田者佳

山藥即薯蕷一名諸薯一名土諸根細而長皮

黃肉白服食宜人其扁而大者為脚板薯

紅 藷即甘藷一名番藷種自海外得之撲地傳

生一莖蔓延至數十百莖節節生根皮分紅白二色

藕 每節生一葉一花花葉相偶故名藕邑產甚甜脆

陽 藿苗似薑實附於根長土中酷類蓮苞色作

赤但可漬鹽生噉不堪煮食

薑 說文謂之禦濕菜一名番韭一名百辣雲為用最廣諸食皆宜

葱 能和調眾味名和事草又能殺魚肉諸腥故名菜伯秋種春枯曰火葱經年不枯曰分葱

蒜 說文謂之葷菜張騫使西域得胡蒜種俗因呼為大蒜

新甯縣志

卷三

物產

六

韭 禮記韭曰豐本本草云莖名韭白根名韭黃花名韭菁其美在黃邑境中未得藝法也

蔬之屬

瓠瓜 俗名護子瓜味甘可食俾雅云長而瘦上曰瓠短頸大腹曰匏腰細者名壺盧

冬瓜 有毛綠色生自然 絲瓜 一名天羅絮又名布瓜細長而嫩者美

南瓜 宜陰地種之秋熟 王瓜 月令註王瓜感火色而生今俗名黃瓜

苦瓜 味苦性寒皮與子 西瓜 以瓢香甜多汁者為佳邑產稍劣

菜瓜 學圃雜疏云瓜之不堪生噉而堪醬食者曰菜瓜俗又名花瓜

照水瓜 形長而細亦堪醬食或酢鹽為菹亦菜瓜類也

筍之屬 按爾雅筍竹萌也又說文竹胎也曰筍

曰籩曰苗曰蕪竹曰竹芽曰稚子曰初篁曰龍
孫皆筍名也邑產僅作時鮮亦非常有終歲食
筍不過數月今按名列之

刺竹筍 味極鮮美為諸筍冠烹汁皆宜 水竹筍 亦甘脆味遜刺竹筍

荆竹筍 細而中實不任汁浸 斑竹筍 質厚而味澀漬鹽為菹較佳

慈竹筍 俗名黃筍以灰煮食則澀味去近多以桑葉煑之

茵 一名馗厨 一名地雞 今俗呼土茵 夏秋之間

山林嘗產其名不一有

松茵 紅茵 青茵 紫茵 黃絲茵 火炭茵

新甯縣志 卷三

物產

七

鵝蛋茵 蕎葩茵 石灰茵 油納菰 大脚菰

三葩菰等類隨人呼名無從考証也

果之屬

梅 一名枏其實酢邑人以梅之結實者為野梅俱呼酸梅即青梅也人多不食

桃 俗有仙桃毛桃之分仙桃膚肉厚味甘香適口 李 有青翠牛心雞血等名雞血味劣

杏 典術云杏者東方歲星之精一名甜梅邑產赤黃而肉厚即所謂肉杏也仁只堪入藥

梨 爾雅邢疏云在山曰檮人植曰梨張敷謂之果宗邑產有青黃兩種青者名雪梨頗佳

棗 禮記棗曰新之邑產不多 柿 說文謂之赤實果肉薄核大

柑 有二種似橘而皮稍厚者為黃柑多植沙地皮皺而大如拳者為氣柑皮肉皆可食味微苦

橘似柑而皮稍薄其色丹黃俗呼紅橘味美於柑

柚子爾雅名柚條注云似橙橙子若柚而香葉有

香櫞橘屬膚薄液滿皮汁皆蜜菓柑屬色綻黃金

子白如雪切片可以佐酒極甜脆亦佛手柑之類也

佛手柑事物原始云近有佛手柑形如佛手其皮

枇杷一名盧橘秋萌冬花春石榴奈屬古今注名

櫻桃即含桃其果先熟鶯所葡萄張騫使西域還

林檎亦名黑檎亦名來禽北白果一名銀杏二更

菱角亦名薜荇又武陵記三茨菰一名慈姑今俗

新甯縣志 卷三 物產 八

荸薺即地栗俗亦誤呼慈姑多蒔田中皮紅色實

甘蔗亦曰諸蔗或作肝曠有赤白二種邑多赤蔗

落花生一名長生果遍地蔓生花落入土始結實

栗內則曰撰之撰擇也以其多蟲宜選擇也邑產

栗亦可食然皆非珍品也

核桃本出羌胡故名胡桃亦名羌桃俗呼為核桃

竹之屬

慈竹一名紫雲蓋即子母竹性叢生根不外引又

斑竹色青無斑大可盈握水竹黔南本小而

苦竹一名青蛇枝竹之醜類也

荆竹節皆有刺多叢生

觀音竹形小葉長翠潤奪目作筆管用

綠竹葉似蘆葦其性易

木之屬

松邑隨處皆有或大至數十圍

槐虛星之精木身潤滑常有香氣

柳柔脆易生之木材不適用

樟一名枕俗呼香樟多以塑像

新甯縣志

卷三

物產

櫻一名栢欄皮可為索

白楊株大葉圓如梨皮白木似楊故名

棟子結實如小鈴可以浣衣

烏柏取其子可榨油俗呼木油

香椿即占所謂大椿者葉初芽可茹

夜合一名青棠花晝開夜合又名合歡樹

桐子即膏桐實可榨油

冬青即女貞

酸棗即棘樹

紫竹小而色紫宜傘柄用俗名黑竹

刺竹即茨竹節節生枝植之可代垣墻

白甲竹當即篁竹皮白如霜粉

生但不可為用耳

柏有扁柏刺柏兩種卑雅云柏一名榭

杉一名披姑邑產無甚大者

桑飼蠶者採其葉所謂女桑也

楠大山中有之皆水楠也

漆樹汁可以髹物近有種植者

黃楊木理堅細歲長三寸遇閏則退一寸

麻柳即把柳多生河畔性柔易於雕鏤

黃葛即榕樹

臭椿即樗樹與椿甚相類以氣味別之

梧桐即白桐子可食材堪製琴

青桐木雖堅而不堪充材即櫟之類也

紅豆即相思子也木質堅作具可方梓

皂角一名皂莢一名烏犀名懸刀

柞 俗呼鑿子樹

檀 肌細而膩體重而堅狀與梓榆相似

枸 俗名拐棗子著枝端甚甘美性能薄酒味 楓 俗名烏鴉樹

青皮樹 葉如藻不花不實莫知其名以其皮細色青遂日之為青皮

蒙子樹 葉四時皆青枝有刺如釘一作芒刺樹木極堅重不堪充材

構樹 楮之別為一種者圓葉不結實取汁作書伴於膠漆

花之屬

牡丹 一名鼠姑

荷包牡丹 一名百日紅

小桃紅

夾竹桃

山茶

薔薇 一名粉團花

新甯縣志 卷三

物產

十

迎春

七里香

辛夷 一名玉蘭

杜鵑

月季

紫荊

芍藥

金絲梅

垂絲海棠

錢腳海棠

罌粟

鳳仙

珠蘭

魚子蘭

梔子

晚香王

蓮

玫瑰

繡毬

金銀花

子午蓮

紫薇

茉莉

龍爪

玉簪

安石榴

蜀葵

木槿

扁竹花

六月菊

胭脂花

一名夜夜嬌

萱

一名宜男 一名金貞花

燈籠草

一名紅姑孃

秋葵

一名旌節 俗名漏綠

雁來紅

一名老少年

桂

新甯縣志

卷三

物產

土

黃菊

金錢菊

僧鞋菊

西番菊

芙蓉

雞冠

水仙

蠟梅

紅梅

南天竹

草之屬

蘭

蕙

芭蕉

蓼

萍

藻

蒿

蕨

薇

隨手香

細蒲

蘆

鳳尾

馬蹄香

藥之屬

黃精

大通

甘葛

木瓜

半夏

白芍

吳萸

苦參

牛膝

山梔

紫蘇

荆芥

薄荷

香附

巴豆

澤蘭

新甯縣志

卷三

物產

十三

菖蒲

貝母

陳艾

夏枯草

益母草

車前仁

牽牛子

金銀花

苦練子

桑白皮

何首烏

地骨皮

五加皮

草麻子

木鼈子

萊菔子

金茵子

千里光

槐子

貨之屬

棉一名吉貝陶九成日松江烏泥涇種木棉右黃
道婆自崖州來教人以紡織之法

布邑業此者甚多布亦勻細轉售他邑男婦皆優

絲但鬻諸肆中製為線無織綾綺者

蔴是為苧蔴治西南藝者最廣歲可三獲

藕粉蓮花雪白藕亦甜脆故磨粉最佳

乾粉豌豆葫豆俱可用提為索粉晒乾成束轉售他邑

油有菜子油脂麻油桐子油花生油四種

蜜糖養蜂之家皆蓄之黃蠟取蜜後煉治而成

紅花近東南始產草紙俗呼火紙取竹為之

菸一名淡巴菰藍子種者頗多利倍他物

